



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. N. Recessus peculiaris super cessione munimentorum Scaniae.

urn:nbn:de:hbz:466:1-10534

que sublata & extincta sint, præter tenuia quædam puncta sive capita, quæ ob certas causas Instrumento Pacis non inserta sunt: Nos infra scripti consultum duximus, ut puncta ista peculiari quodam recessu comprehenderentur, de que iisdem inter Nos conveniretur, modo & tenore, ut sequitur.

1.

Promissum & conclusum est, Generali Majori Ebboni Uhlefeldio in actionibus & prætensionibus suis, quas uno vel alio modo in Dania habere potest, & urgere solet, secundum leges, jura & æquitatem, debitam & plenariam satisfactionem procurandam.

2.

Et ut omnia, quæ errores quosdam post se trahere, vel animos ab hac vel illa parte exulcerare & distrahere possint, penitus eradicentur & è medio tollantur, in majorem pacis confirmationem & augmentum conventum invicem est, ut per istromata illa seu Tapetia, quæ in ignominiam & dedecus Regni Suedici contexta heic in Dania asservantur & custodiuntur, aliis coloribus superilliniantur.

Et quamvis puncta hæc in Instrumento Pacis non allegata sint & expressa, promissimus nihilominus & recepimus, quod eundem valorem & vigorem obtinebunt, ac si prædicto Instrumento Pacis una cum aliis ratihabitis & confirmatis punctis de verbo ad verbum inserta forent. In quorum majorem fidem & certitudinem Nos hoc ipsum manibus Nostris subscripsimus, sigillisque nostris communivimus. Actum Roschildia, die 27. Febr. Anno 1658.

Joachim Gerstorff.

L. S.

Christen Skiel.

L. S.

Lit. N.

Recessus peculiaris super cessione munimentorum Scaniae.

Sacr. Reg. Maj. Daniae ad Tractatus Dano-Suedicos Commissarii Plenipotentiarii, Nos infra scripti, Dominus Joachimus Gersdorffius in Tundbyholm, Eques Auratus, Magnus Regni Daniae Magister & Senator, Praefectusque Regius in Bornholm; & Christianus Skiel in Fusinge, Regni Daniae Senator, & Praefectus Regius in Tryggewælde: Notum hisce testatumque facimus: Quandoquidem quædam inciderunt difficultates super colloquio, quod cum S. R. M. Sueciae ob evacuationem munimentorum Scanensium Owenus Julius habuit, vigore hujus promissum est, omnia ea quæ in Tractatibus circa eorundem munimentorum evacuationem placita & mutuo conventa sunt, à nostra parte quovis meliori modo ac ratione observatum iri, ita quidem, ut simul atq; Commissarii Suedici advenerint, munimenta cedantur & evacuentur, non obstante, quod definito & præfixo die id fieri non possit. Attamen quod Urbium præsidia & milites concernit, Owenus Julius narrat, S. R. M. Sueciae, ad instantiam & requisitionem S. R. M.

D 2

Daniae

Daniæ concessisse, ut milites illi & præsidia per aliquot dies alicubi in agro Scanensi sustentatione sua, juxta Commissariorum Svedicorum ordinationem, fruerentur, donec huc transferri possint, quod statim post evacuationem Sialandiæ fiet. In pleniorum fidem & confirmationem Nos hoc ipsum manibus nostris subscripsimus, & sigillorum nostrorum impressione roboravimus. Roschildie d. 28. Febr. Anno 1658.

Joachim Gerstorff.
L. S.

Christen Skiel.
L. S.

Lit. O.

Literæ Regis Daniæ ad S. R. M. Sveciæ, ubi excusat propositionem Ovveni Julii de evacuatione munitorum Scaniæ locorum.

Nos Fredericus Tertius, DEI gratia, Daniæ, Norvvegiæ, Vandalorum, Gothorumque Rex &c. Serenissimo ac Potentissimo Principi & Domino, Domino Carolo Gustavo, Suecorum, Gothorum, Vandalorumque Regi &c. charissimo nostro Fratri, Consanguineo & vicino, ut amicus & vicinus salutem dicimus, & quicquid præterea bonorum acceptorumque officiorum à Nobis proficisci poterit, offerimus: Serenissime & Potentissime Princeps, charissime Frater, Consanguinee & Vicine. Perquam ingratum nobis accidit, postquam inaudivimus, Dilect. Vestram in animum induxisse, Dilectique Nobis Ovveni Julii missionem ad Dil. Vest. ita interpretatam, quasi propositum Nobis esset, pacis conditionibus inter Nostros, Vestraque Dilect. Commissarios initis, quantum ad Evacuationem Munimentorum, remoras quasdam & difficultates injicere, cum potius Dilect. Vest. certò affirmare possimus, Nos nunquam commissuros, ut in Nobis quoad Pacis executionem jure aliquid desideretur. Quem in finem tam Nostris Urbium munitarum & Castellorum Præfectis, quam Commissariis Nostris jam dum clementer in mandatis dedimus, ut V. Dilect. Commissariis definito & præscripto tempore eadem tradant atque cedant. Id quod etiam V. Dilect. Deputato Illustri Domino Claudio Tott, Comiti in Carleby, Libero Baroni in Sivendeby, Domino in Eckolsunda & Lehalslehn, Regni Sveciæ Senatori, Stabulario, & militiae Equestris Generali Majori hesternæ die aperiri fecimus. Quod autem dictum Ovvenum Julium ad Dilect. V. ablegavimus in causa erat, quod desiderabamus Dilect. Vest. mentem circa munimentorum evacuationem cognoscere,